

## ԿՐԿՆԱԳՆՉՅՈՒՆՈՒԹՅՈՒՆՆ ԱՐԴԻ ՀԱՅԵՐԵՆՈՒՄ

Հայերենի հնչույթային մակարդակում կրկնության դրսևորումներից մեկը կրկնահնչյունությունն է՝ միևնույն հնչյունի կրկնությունը բառակազմում, որը գրավոր խոսքում արտահայտվում է կրկնագրությամբ կամ երկգրությամբ: Կրկնահնչյունության ժամանակ նույնն են լինում կից հնչյունները, իսկ կրկնագրության դեպքում՝ կից տառերը:

Քանի որ բառի մեջ կրկնվում են թե՛ ծայնավորները և թե՛ բաղա-  
ծայնները, ուստի կրկնահնչյունությունն ունի երկու արտահայտություն՝ կրկնակ  
ծայնավորներ և կրկնակ բաղածայններ: Իհարկե, ոչ բոլոր ծայնավորները և ոչ  
բոլոր բաղածայններն են կրկնվում: Գործառնական հաճախականության տեսա-  
կետից էլ բառակազմում բաղածայնների կրկնությունն ավելի հաճախադեպ է,  
իսկ ծայնավորների կրկնությունը սակավ ընդգրկում ունի:

### 1. ԿՐԿՆԱԿ ՉԱՅՆԱՎՈՐՆԵՐՈՎ ԲԱՐԵՐ

Ընդհանրապես կրկնահնչյունությունը կապված է տվյալ հնչյունի  
երկար արտասանության հետ: Եվ քանի որ հայերենը ծայնավորների տևական  
արտասանություն կամ „երկար ծայնավորներ,, (1, էջ 133) չունի, ուստի կրկնակ  
ծայնավորների գոյությունը հայերենին բնորոշ երևույթ չէ: Կրկնակ ծայնավոր-  
ները մասնավորապես առկա են՝

ա/ մի քանի փոխառյալ բառերում. ինչպես՝ *կոոպերացիա*, *կոոպերատիվ*,  
*կոորդինացիա* և այլն:

բ/ բառաբարդման կամ բառաձանցման ժամանակ, երբ նախորդ բաղադրիչն  
ավարտվում, և հաջորդ բաղադրիչը սկսվում է միևնույն ծայնավորով. ինչպես՝  
*ամենաարագ*, *ամենաազնիվ*, *լիիմաստ*, *լիիրավ*, *հակաառաջդիմական* և  
այլն:

Այս երկու դեպքերում էլ կրկնվող ծայնավորներն արտասանվում են  
միջհնչյունային անջատող հորանջով: Ե/ե/ ծայնավորի կրկնության դեպքում  
հորանջը հաղթահարվում է անցումային կիսածայնով. ինչպես՝ *հրեերեն*,  
*կորեերեն* և այլն:

Բարդման կամ ածանցման ժամանակ երբեմն էլ ծայնավորի  
կրկնությունը վերանում է նրա կրճատմամբ՝ արտասանության բարեհնչյունու-

թյան պահանջով. ինչպես՝ *հնչա+արտաբերական > հնչարտաբերական, շրթնա+ատամնային > շրթնատամնային* և այլն:

զ/ բացականչական երանգով կոչականի կազմում, երբ այն ավարտվում է ծայնավորով, և վերջինիս երկար արտասանությունն ստեղծում է կրկնահնչյունություն: Այստեղ բացականչական հնչերանգի կրողը լինում է մեծ մասամբ կոչականի կրկնյալ ծայնավորը. ինչպես՝ «Համգե Պշուկը ոտքը շեմից ներս դնելու հետ կանչեց. - *Դավի՛ռ*, ավեր տուն կերթա՛ս...» (ՄԳՁՄ, 210): «*Խալե՛ն*, - քրիգադիրը կանչում էր, հա կանչում (ն.տ., 253):

Նմանապես կոչականի վերջին ծայնավորը կրկնվում է նաև երկու, երեք կամ չորս անգամ, երբ տվյալ բառավերջն ավելի երկար է արտասանվում: Այս դեպքում տրամաբանական շեշտադրումն ընկնում է մեծ մասամբ վերջի կամ նախավերջի կրկնվող ծայնավորի վրա. ինչպես՝ «Ապա անհանգիստ շարժվում է ու կանչում.

- *Սոսե՛ն*... դու դեպ թուխ Մանուկ կերթաս, չէ՞» (ՄԳՁՄ, 160) : «- Ալե՛ն, հայացքը հորիզոնին կանչում էր ծերունին, Ալե՛, իմ հոգին, *Ալեե՛ն*...» (ն.տ., 174):

դ/ կոչական ծայնարկության մեջ, երբ բառավերջի կամ բառամիջի ծայնավորն արտաբերվում է բացականչական հնչերանգով և, դրանով պայմանավորված, ունենում է տևական արտասանություն. ինչպես՝ «-*Օխաա՛շ*, ավիվ սրբեց բեղերը: - Իմ սիրտն հովցավ...» (ՄԳՁՄ, 171) «- *Վա՛յն*, - ավիսոսաց Օսոն, բայց չհավատաց» (ն.տ., 114): «*Հայլեե՛ն* - հայրս տմտմբացրեց գլուխը և փորձեց ավելի հարմար նստել» (ն.տ., 157) «- *Հըհիհի՛ի*, ծմբուկ, - երգեցիկ կանչեց հիթենքցի Մոսեն» (ն.տ., 217):

Սակավադեպ ծայնավորի կրկնահնչյունությունը հատկորոշվում է շարահյուսական միևնույն կառույցում կոչականի մեջտեղում միևնույն ծայնավորի և կոչական ծայնարկության վերջում երկու տարբեր ծայնավորների միաժամանակյա կրկնությամբ. ինչպես՝ « Շտկվեց, ծզվեց... և, որքան շունչը հերիքում էր, կանչեց,- *Հըըհիհի՛ի*, *Ալեե՛ն* ... Ալե՛ն,- հայացքը հեռու լեռներին՝ հա՛ կրկնեց,- *Ալեե՛ն*...» (ՄԳՁՄ, 170):

Հարկ է նշել, որ թե բուն կոչականի և թե կոչական ծայնարկության մեջ ծայնավորի կրկնությունը սոսկ իրավիճակային է՝ բացականչական հնչերանգով պայմանավորված. խոսքից դուրս այդ բառերը կրկնահնչյուն չեն:

## 2. ԿՐԿՆԱԿ ԲԱՂԱՁԱՅՆՆԵՐՈՎ ԲԱՌԵՐ

Հայերենում կրկնահնչյունությունն արտահայտվում է հիմնականում կրկնակ բաղաձայնների ձևով: Սա բառի մեջ միևնույն տեղում բաղաձայնի

երկու /կամ երկուսից ավելի/ անգամ արտահայտվելն է, որը հատկորոշվում է տվյալ բաղաձայնի երկար արտասանությամբ: Կրկնակ բաղաձայններով բառերում ավելի հաճախ տեղի է ունենում արտաբերական երկու դրվածքների նախորդի ելքի և հաջորդի մուտքի ձուլում: Բաղաձայնի տևական արտասանությունը գրավոր խոսքում արտահայտվում է կրկնատառ ձևով: Մեծանուն հայագետ Դր. Աճառյանն այս մասին գրում է. „Կրկնակ բաղաձայնները /պպ, փփ, տտ, նն և այլն/ ուրիշ բան չեն, եթե ոչ երկար բաղաձայններ, որոնց մեջ կա մի պայթուցում և մի պայթյուն, իսկ կացքի ժամանակ կամ լռություն և կամ ձայնի երկարում,, (1, էջ 563):

Կան լեզուներ /կաբարդիներեն, քրդերեն և այլն/, որոնցում բաղաձայների կրկնությունը խիստ բնորոշ երևույթ է, կան նաև բաղաձայնների կրկնությունից խուսափող լեզուներ / հին իռլանդերեն, հին պարսկերեն, նոր հունարեն, ռուսերեն և այլն/: Լեզուների մեջ բաղաձայնների կրկնությունը պայմանավորված է լինում տարբեր գործոններով: Աճառյանը դա բացատրում է երեք պատճառներով, գրելով. „Բաղաձայնների կրկնությունն առաջ է գալիս երեք պատճառներից. 1. որոշ ծայնաբանական պայմաններից, 2. միջանկյալ ծայնավորի սղումից՝ իմաստին սաստկություն տալու համար, 3. նույն բաղաձայնով վերջացող և նույն բաղաձայնով սկսվող երկու տարբեր բառերի բարդությամբ,, (1, էջ 564): Այս երեք գործոնները տարբեր լեզուներում տարբեր չափի դերակատարություն ունեն: Հայերենում դրանցից գործում են առավելապես երկուսը՝ միջանկյալ ծայնավորի սղումը և բառաբարդման տեխնիկան: Ընդամին, միջանկյալ ծայնավորի սղումով կրկնակ բաղաձայնների առաջացումը ավելի գործուն երևույթ է: Ինչպես նկատում է Դր. Աճառյանը, բառամիջում *ի* և *ու* ծայնավորների «անկումով ստանում ենք շատ հաճախ կրկնակ բաղաձայններ. ինչպես՝ *ուղիղ* – *ուղղակի*, *ուղղական*, *ուղղափառ*. *գծով-գծով*, *գծակերպ*, *գծագույն*. *կծիծ-կծծի*, *կծծություն* և այլն» (1, էջ 565): Բերենք նմանատիպ այլ օրինակներ՝ *հովիվ- հովվի*, *բջիջ-բջջանյութ*, *սեղմում-սեղմման* և այլն:

Նշենք նաև, որ միջանկյալ ծայնավորի սղումով առաջացած բաղաձայնական կրկնությունն արտահայտում է սաստկական նշանակություն: Աճառյանն այս օրինաչափությունն առավել բնորոշ է համարում մեր բարբառներին և իբրև օրինակներ վկայակոչում է Ղարաբաղի բարբառում *մատտա՜ղ* /„սիրելիս“, *վազզել* /„, արագ վազել, շուտ վազել“/, Երևանի բարբառում *ուռռացնել* / „մի փոքր բան մեծացնել“/ և այլ բառեր (տես 1, էջ 566): Նմանապես գրական

հայերենում էլ «ապո<sup>1</sup> ւշ, հիմա<sup>1</sup> ր և նման բառեր սաստկության համար... հաճախ արտասանում ենք *ապպո ւշ, հիմմա<sup>1</sup> ր*»(1, էջ 566):

Ինչ վերաբերում է բաղաձայնով վերջացող և նույն բաղաձայնով սկսվող բառերի և հատկապես արմատների միավորմամբ կրկնակ բաղաձայնների երևան գալուն, ապա պետք է նշել, որ դա հայերենին խիստ բնորոշ չէ, քանի որ, «նման դեպքերում ներմուծվում է *ա* հոդակապը. ինչպես՝ *սրտատորոփ, մեծածախ, չայնանիստ* և այլն: Այնուամենայնիվ ունենք *ան* մասնիկով *աննպաստ, աններող, նույնիսկ աննջելի* / երեք *ն*-ով/: Արևմտյան աշխարհաբարում և բարբառներում հոդակապի բացակայությամբ՝ *պատտակ, չայնալ, երկնալ, լմնալ, հիննալ* և այլն»(1, էջ 565):

Սրան նմանվում է կապակցության մեջ իրար հաջորդող երկու բառերի արտասանական կցույթը, երբ նախորդ բառը վերջանում, և հաջորդը սկսվում է մինևույն բաղաձայնով. ինչպես մորս *սե*րը, նույն *Ո*կարը և այլն:

Բացի հիշյալ երկու դեպքերից, հայերենում կրկնակ բաղաձայններ առաջանում են նաև ա/ փոխազդեցական հնչյունափոխության հետևանքով. ինչպես օրորան>*օրրան*, այլն,

բ/ արմատների կցումով համադրական բարդություն կազմելիս. ինչպես՝ *երես + սրբիչ > երեսսրբիչ, հարավ + վիետնամական > հարավվիետնամական, երկու + կողմ > երկկողմ* և այլն,

գ/ բառակազմում *վ*-ից հետո կրավորական ածանցի հավելման դեպքում. ինչպես գրավել - *գրավվել*, նզովել - *նզովվել*, ապահովել - *ապահովվել* և այլն, որ/ *ն* վերջնահնչյուն ունեցող բառերը *ն* որոշիչ հոդ ստանալիս. ինչպես *կինն ու երեխան, տունն է* և այլն,

ե/ բնաձայնական կազմություններում. ինչպես՝ *բզզալ, դժժալ, ճռռալ, մկկալ, կտտոց* և այլն:

Այսպիսով, բառակազմում բաղաձայնների կրկնությունն ունի որոշակի ընդգրկում և հիմնականում հետևանք է հնչյունափոխության, բառաբարդման կամ ածանցման: Ամփոփելով ասվածը՝ կարող ենք նշել, որ հայերենում կրկնաբաղաձայնությունն ունի հետևյալ դրսևորումները.

1. կրկնաբաղաձայն բնիկ հայերեն բառերն են՝ *անդորր, բերրի, տարր, մորիկ, օրրան, ինն, իննսուն, երրորդ, չորրորդ* և այլն,

2. կրկնաբաղաձայն ունեցող որոշ բառեր փոխառություններ են. ինչպես՝ *մասսա, կասսա, տոննա* և այլն.

3. կրկնակ բաղաձայն ունեն մի քանի հատուկ անուններ. *ինչպես՝ Աննա, Էմմա, Վիեննա, Բաֆֆի, Պիննոս, Օվսաննա* և այլն.

4. «Անժ մասամբ հնչյունափոխության հետևանքով *բբ, գգ, դդ, զզ, թթ, ժժ, լլ, խխ, ծծ, կկ, դդ, ծծ, նն, շշ, պպ, ջջ, ռռ, սս, վվ, տտ, ըր, ցց, ֆֆ* կրկնատառեր են առաջանում մի շարք բառերում՝ հատկապես բառասկզբին, թեև հաճախ նրանց միջև լսվում է *ը*. օրինակ՝ *բբոնժ, գգվել, դդում, գգվել, բզզալ, թթու, փթթել, բժժանք, կլլել, սովալլուկ, լլկել, խխել, խխմել, խխունք, ծծան, կծծիություն, ծծել, կկոցել, կկղել, կկու, անուղղա, ուղղագրություն, խճճել, ճճի, զննել, ննջել, քննել, շշուկ, շշմել, շշնջյուն, շշունք/* բնաձայն/, *պպզել, քքջել, բքջի, ճռռան, սսկվել, հովվական, ապահովվել, նգովվել, խորովվել, ցցուն, կեցցել, կտտանք, տտել, տտիպ»* (2, էջ 17) (ընդգծումը մերն է՝ Ա.Կ.).

5. *Ն* բաղաձայնի կրկնություն է առաջանում երկու դեպքում՝ ա/ *Ն*-ով վերջացող բազմավանկ բառերի հոգնակին կազմելիս. *ինչպես՝ դասարան-դասարաններ, նստարան-նստարաններ* և այլն, և բ/ *ան* ժխտական նախածանցը *Ն* - ով սկսվող արմատին միանալիս. *ինչպես՝ աններելի, աննման* և այլն:

6. *Ս, դ, Ն* բաղաձայններով վերջացող բառերը *ս, դ, Ն* դիմորոշ հոդեր ստանալու դեպքում ունենում են համապատասխան կրկնակբաղաձայններ. «*ինչպես՝ քոյսս / այս բույսը/, բուրդդ /այդ բուրդը/, տուճճ, ծուկճճ /այդ տուճճ, այդ ծուկը/*. *ս* վերջացող բառերը հոգնակի հայցականում կունենան երկու *ս / գրոյսս, գյոյսս* «*բույսերը, հույսերը*», որոնք թե *ս* դիմորոշ հոդ էլ ստանան, կունենան եռյակ *ս*. *ինչպես՝ գմիսսս /,,այս մսերը"/, գրոյսսս /,,այս բույսերը"/»* (1, էջ 568):

Ինչպես երևում է բերված շատ օրինակներից, կրկնաբաղաձայնների միջև հաճախ լսվում է *ը* ձայնավորը՝ կազմելով գաղտնավանկ / *խխունք, ծծան, գգվել* և այլն/:

Յր. Աճառյանը վկայակոչում է կրկնակբաղաձայններով բառերի ցանկը հայերենում՝ թվով 123 բառ, որոնց մի զգալի մասը բնաձայնական բառեր են (տե՛ս 1, էջ 568):

#### Օգտագործված գրականություն

1. Յր. Աճառյան, Լիակատար քերականություն հայոց լեզվի, հ. 6, Երևան, 1971:
2. Ա. Ղարիբյան, Գ. Պարիս, Հայոց լեզվի քերականության, ուղղագրության և կետադրության ուղեցույց, Երևան, 1957:

#### Համառոտագրություններ

ՄԳՁՄ – Մ.Գալշոյան, Չորի Միրոն, Երևան, 1983:

Ն.Տ.- նույն տեղը: